

第六八一冊

經濟彙編

食貨典

田制部

(卷)
五—壹

古今圖書集成

中華書局影印

欽定古今圖書集成經濟彙編食貨典

第五十卷目錄

田制部彙考十

明二
孝宗弘治六則
武宗正德三則
穆宗隆慶五則
神宗萬曆六則

食貨典第五十卷

田制部彙考十

明二

孝宗弘治二年令皇莊及勦賊莊田災傷俱照民田分數徵收諸王不得置買田地

按明會典弘治二年令皇莊及皇親公侯駙馬伯等官莊田如遇災傷俱令照依民田災傷分數徵收其各處王府不許置買田地霸占民業

弘治三年奏准皇親權要之家奏討地土非奉旨不行敢有妄將民間地土投獻者問罪

按明會典三年奏准今後如有皇親并權豪勢要之家奏討地土非奉旨看了來說一切立案不行仍要追究撥置主謀之人叅送問罪本部仍行都察院轉行巡視五城及巡按御史出榜曉諭禁約軍民人等敢有投託勢要之家充爲家人及通同旗校管莊人等妄將民間地土投獻者事發悉照天順并成化十五年欽奉敕旨事例問發邊衛永遠充軍

弘治四年題准四川官舍占種田地退出撥與無田

軍餘耕種

按續文獻通考四年題准行四川令管屯僉事將官舍占種田地退出撥與無田軍餘耕種願認糧者亦准與查明分數照例徵收本色不許徵銀花銷

弘治十一年令錢糧地不許王府奏討

按明會典十一年令今後額辦錢糧田地不許王府奏討

弘治十三年題准軍民人等將各田地占種投獻及官勢家捏契典賣者治罪又許進勘實河間貴戚莊田疏係民業

按明會典十三年題准凡軍民人等將爭競不明并賞過及民間起科僧道將寺觀各田地朦朧投獻王府及內外官勢之家捏契典賣者投獻之人問發邊衛未遠充軍田地給還寺觀及應得之人管業其受投獻家長并管莊人叅究治罪山東河南北直隸各處空閒地土祖宗朝俱聽民儘力開種永不起科若有占種投獻者悉照前例問發

按大政紀十三年二月命戶部左侍郎許進往勘河間貴戚莊田事疏係民業上從之進會巡撫高銓勘寃聲撼野至歐州縣吏不得行許違欲執以復命銓曰若是固爲民至意萬一不測如民重得罪何請勘實以聞上雅愛小民必不忍奪其生業以利左右進以爲然遂一勘實遂疏實係民承買納稅養馬地土宜照舊管業事得不行

弘治十五年上各省田土之數又奏准令各處管屯官造屯田冊

按明會典十五年十三布政司并直隸府州實在田

土總計六百二十二萬八千五百八十八頃八十一畝零

浙江布政司田土計四十七萬二千三百四十二頃七十一畝七分七釐

江西布政司田土計四十萬二千三百五十二頃四十六畝六分七釐

湖廣布政司田土計二百二十三萬六千一百二十八頃四十六畝六分二釐

福建布政司田土計一十三萬五千一百六十六頃一十七畝七分九釐

山東布政司田土計五十四萬二千九百二十九頃三十七畝六分三釐八毫

山西布政司田土計三十九萬八百九頃三十三畝九分三釐

河南布政司田土計四十一萬六千九百九十九頃六十八畝四分七釐

陝西布政司田土計二十六萬六千六百六十二頃八十一畝八分零

四川布政司田土計一十萬七千八百六十九頃六十二畝六分五釐零

廣東布政司田土計七萬二千三百二十四頃四十六畝一分六釐

廣西布政司田土計一十萬七千八百四十八頃一畝七分零

雲南布政司田土計三千六百三十一頃三十五畝

貴州布政司田土自來原無丈量項祇每歲該納糧差俱於土官名下總行認納如洪武年間例

順天府田土計六萬八千七百二十頃一十三畝五

經濟彙編食貨典第五十卷田制部

分零

永平府田土計一萬四千八百四十四頃五十七畝六分零

保定府田土計三萬五千五百二十九頃五十畝八分零

河間府田土計二萬四千二百二十頃七十一畝八分零

真定府田土計三萬八千九百八十頃六十五畝四分零

順德府田土計一萬三千八百二十二頃五十五畝九分零

廣平府田土計二萬二百三十八頃一十四畝二分零

大名府田土計五萬一千九百九十三頃六十二畝六分零

延慶州田土計一千五百九十九頃四十二畝四分零

保安州田土計三百四十五頃七十七畝七分零

應天府田土計六萬九千九百七十四頃八畝零

蘇州府田土計一十五萬五千二百四十九頃九十七畝八分二釐六毫

松江府田土計四萬七千一百五十六頃六十一畝八分八釐六毫

常州府田土計六萬一千七百七十七頃七十五畝五分六釐四毫

鎮江府田土計二萬一千七百一十二頃三十五畝一分零

廬州府田土計二萬五千四百三十頃四十五畝九分零

分零

鳳陽府田土計六萬一千二百六十二頃六十六畝七分零

淮安府田土計一十萬一千七十三頃七十三畝四分零

揚州府田土計六萬二千二百九十七頃七畝一分五釐

徽州府田土計二萬五千二百七十七頃五十二畝九釐零

寧國府田土計六萬六千八百八十二頃九十一畝六釐零

池州府田土計八千九百一十九頃六十三畝一分五釐零

太平府田土計一萬六千二百四十三頃八十三畝二分零

安慶府田土計二萬一千八百九十頃六十六畝一分零

廣德州田土計一萬五千四百四頃二十九畝八分零

徐州田土計三萬一千二百二十二畝八分零

滁州田土計二千九百一十二頃八十三畝八分零

和州田土計一萬一千八百九十一頃六十九畝五分零

按續文獻通考十五年總數十三布政司并直隸府州實在田土總計四百二十二萬八千五百八十八頃九十二畝零官田共五十九萬八千四百五十六頃九十二畝零民田共三百六十二萬九千六百一頃九十七畝零

又按續通考十五年奏准後湖并南京戶部及各衛所俱無屯田將今次清過屯田行令管屯官各造冊送後湖交收仍將屯田項數刻記碑陰以圖經久

武宗正德九年寧王宸濠奏准復與護衛屯田管業按大政紀正德九年三月寧王宸濠奏乞復護衛屯田許之宸濠貪殘僭侈志欲無涯而以文行自飾先是天順間寧府以事革去南昌護衛及屯田劉瑾用事宸濠賂瑾復得之瑾誅護衛屯田復革陸完先為江西按察使與宸濠通至是完為兵部尚書宸濠喜日完為大司馬護衛可復得矣遂遺完書謀乞護衛完答書須以祖訓為言時伶人臧賢有寵於上近習張銳張雄錢寧輩及內閣部院大臣皆陰結之以求固寵宸濠因賢之壻司鉞以通於賢每親書寄賢輒稱為良之賢契良之賢字也及乞復護衛輦載金銀器寶藏於臧賢家分饋諸權要大學士費宏知之大言於內閣曰今寧王以金寶鉅萬打點復護衛苟聽其所為吾江西無噍類廷試進士內閣官與部院大臣皆在東閣讀卷先於十四日覆寧王復護衛疏次日中官盧明以疏下閣擬旨過東閣言只請楊師傳到閣諸公不必動勞廷和趨出票旨云既王奏缺人使用護衛屯田都准與王管業

正德十五年以湖廣各衛新增田地撥軍舍承種按續文獻通考十五年題准湖廣各衛所新增田地以十分為率減除三分其七分撥軍舍承種納糧

正德十六年詔議丈量江西田畝

按大政紀十六年二月巡按江西御史唐龍疏乞令

守巡官各分詣地方嚴督州縣官將境內田畝逐一丈量以均糧役下部議之 龍言江西巨室置買田產過造冊賄里書有飛洒見在人戶者名為活洒有暗藏逃絕戶內者名為死寄有花分子戶不落戶服者名為畸零帶管有留在賣戶全不過割者有過割一二名為包納者有全過割不歸本戶者有推無收有總無撤名為縣掛掬回者有暗襲京官方面進士舉人脚色捏作寄莊者在冊不過紙上之霜在戶尤皆空中之影以致畝之虛以數十計都之虛以數百計縣之虛以數千萬計週年派糧差無所歸者俱令小戶賠償小戶逃絕令里長里長逃絕令糧長糧長負累之久亦皆歸於逃且絕而已

世宗嘉靖元年救覈畿內皇莊及勦戚田土改為官地

按大政紀嘉靖元年冬十月救覈畿內皇莊及勦戚田土 初給事中底蘊疏請查處皇莊下戶部議行撫按官按數已而特救給事中夏言御史樊繼祖戶部主事張希尹會同撫按官親詣地方用心勘覈凡正德元年以後投獻及侵占者盡數還民召佃管莊人員悉取還京其租稅照折納令管屯僉事兼理之係皇莊者解部類進勦戚者解部關領不得自行收受已而言等會同順天保定各巡撫孟春周季鳳巡按王琳宋鉞等勘出各項田莊共計二十萬九百一十九頃二十八畝其侵佔民田二萬二千二百二十九頃二十八畝俱令還民言等又以原敕係皇莊者解部類進猶非國體所宜乃復上疏詳述皇莊創立之始及莊甲武斷培尅之害因及皇店皇鹽罔利之非

乞併掃除以洗累朝之弊垂百代之休帝從之令改皇莊為官地云

按續文獻通考給事中夏言疏太祖高皇帝立國之初檢覆天下官民田土令山東河南地方額外荒土任民儘力開墾未不起科至宣宗又令北直隸地方比照山東河南事例民間新開荒田不問多寡永不起科至正統六年則令北直隸開墾荒田從輕起科實於祖宗之法略有背戾至景帝尋亦追復洪武舊例不許額外丈量起科至今所當遵行所以然者蓋緣北方地土平夷廣衍中間大半渴鹵瘠薄之地葢華沮如之場且地形率多窪下一遇數日之雨即成淹沒祖宗列聖蓋有見於此所以有未不起科之例又有不許額外丈量之禁是以北方人民雖有水潦災傷猶得隨處耕墾以幫取糧差不致坐窘衣食夫何近年以來權倖親暱之臣不知民間疾苦不知祖宗制度妄聽奸民投獻輒自違例奏討將畿甸州縣人民奉例開墾永業指為無糧地土一概奪為己有由是公私莊田踰鄉跨邑小民恆產歲廢月削產業既入展轉流亡是豈祖宗列聖立國之法乎 又按續通考正德十六年今從大政紀系辛巳差兵科給事中夏言山西道監察御史樊繼祖戶部主事張希尹等往順天等府查勘過各項莊田地土共二十萬九百一十九頃二十八畝又外係先年因而侵佔民者共二萬二千二百二十九頃二十八畝各給主遂龍皇莊及官莊等先是正德年來奸猾無籍之徒妄將軍民田土指作空閒投獻近倖勢要之官具奏建為皇莊或為勦戚奏討為莊已而管莊官校人等乘機侵

奪藉勢混賴臨近居民稱苦甚矣是年世宗即位給事中底蘊以為言上聞之惻然遂有是命言等往逐一查出給主名個還官歸官一遵敕旨施行而豪奪隱占之弊剗剔殆盡民始得甦夏言又上疏云各官莊田祖宗以來未之有也惟天順八年以順義縣安樂里板橋村太監曹吉祥抄沒地一處撥為官中莊田其地原額一十頃一十三畝初吉祥占過軍民地二十四頃八十七畝共三十五頃立莊今次查勘又占過民田四十頃見在共七十五頃此則官闢莊田之始而數年間侵佔之數過於原額已十倍矣舉此一處其他可知至成化間惟增寶坻縣王甫營莊田一處原係倉州衛草場弘治間止增豐潤新城雄縣莊田三處至弘治十八年十月乃孝廟升遐之后先帝踐祚之初一月之間建立皇莊七處曰大興縣十里鋪皇莊曰大王莊皇莊曰深溝兒皇莊曰高密店皇莊曰婆娑營皇莊曰六里屯皇莊曰土城皇莊自此之後設立漸多而皇莊之名始著其在昌平州則有蘇家口皇莊在三河縣則有白塔皇莊在真定府寧晉縣則有鋪頭村皇莊大劉村皇莊在隆平縣則有大灰窯皇莊在新河縣則有僊汪莊皇莊在南宮縣則有皇莊村皇莊此皆正德元年之所設也又東安縣則有南葛里皇莊寶坻縣則有李子站皇莊通州則有神樹皇莊武清縣則有灰蠅口皇莊王慶陀皇莊靜海縣則有四當口皇莊此皆正德二年之所設也至正德四年則立大興縣三里河皇莊二處五年則立六里屯皇莊一處七年則立武清縣尹兒灣大直沽皇莊二處八年則立昌平州樓子村皇莊靜

海縣衛河南岸皇莊青縣孫兒莊皇莊保定府安州驛馬廟皇莊清苑縣閭莊社皇莊九年則又立安肅縣龍花社皇莊數年之間設立皇莊如此之夥共計占地三萬七千五百九十五頃四十六畝然皇莊既立則有管理之太監有奏討之旗校有跟隨之各色每處動至三四十人其初管莊人員出入及裝運租稅俱是自備車輛夫馬不干有司正德元年以來權奸用事朝政大壞於是具有符驗之請關文之給經過州縣有廉餽之供有車輛之取有夫馬之索其分外生事巧取財物又有言之不能盡者及抵所轄莊田處所則不免擅作威福肆行武斷其甚不靖者則起蓋房屋架搭橋梁擅立關隘出給票帖私刻關防凡民間撐駕舟車牧放牛馬採捕魚蝦螺蚌芡蒲之利靡不括取而鄰近地土則展轉移築封堆包打界址見畝徵銀本土豪猾之民投為莊頭擄置生事幫助為虐多方掊剋獲利不貲輸之官聞者曾無十之一二而私入囊橐者蓋不啻什八九矣此可為太息流涕者今讀敕旨猶有曰係皇莊者解部類進臣等竊有疑焉蓋謂今四海九州之貢賦山林川澤之物產凡所以納之司農輸之內帑何者而非所以奉一人者乎孟子曰尊親之至莫大乎以天下養又何者而非所以奉重闕慈闈四宮乎祖宗以來宮闈一切供用自有成規顧可屈萬乘之尊下同匹夫以侵畝畝之業辱官壺之貴雖於閭閻以爭升斗之利其何以示天下訓後世也哉且皇之一字加於帝后之上為至尊莫大之稱今奸佞之徒假之以侵奪民田則名其莊曰皇莊假之以罔求市利則名其店曰皇店又

其甚者假以阻壞鹽法則以所販之鹽名為皇鹽即此三言足以傳笑天下貽譏後世仰惟陛下一切掃除救該部大臣查照臣等勘報文冊將在京附郭大興縣等地方各官莊田原不係占奪民田不滿數十頃者請改為各宮親蠶廠公桑園等項名額令有司種植桑柘以備宮中蠶事其餘一應莊田盡弛以利民或勒歸戶部造入版籍令民照舊輸糧以為在官地土仍榜示中外盡削皇莊及各官莊田之名一洗四朝之弊永垂百代之休議入從之

按明外史夏言傳言擢兵科給事中嘉靖初偕御史樊繼祖等出按莊田悉奪還民產

嘉靖二年清覈勦戚田土及御馬監草場按續文獻通考二年清覈勦戚田土并覈御馬監草場備得谷大用竊柄時侵占民業萬餘頃皆李璽希旨妄勘以奉大用者言官請置於理上難之是日文華殿講畢上召楊廷和密諭曰草場乃祖宗舊制踏勘亦先帝成命土田錢穀仍聽李璽主之免訊廷和頓首承旨退而上言李璽免訊已仰承聖旨惟谷大用侵占民產利入私室怨歸朝廷今水旱饑困追其半以備賑蓋積一家以利盡國之盜不若散於民以廣朝廷之恩不報

嘉靖三年鄭岳奏准北畿河南諸處興修水田按大政紀三年春正月丙子命北畿河南諸府興修水田大理卿鄭岳上言臣勘事陝西道經畿內河南諸處見大行西倚潼關東繞懷衛北極燕薊其水皆東注南入於海慮易渟沱流離漳洛衛沁洛瀘其大也宜督居民瀕水開田築隄防以障汎溢鑿溝渠

以通灌溉其平曠曠土無川澤之利者量鑿洫澮或為陂塘下通水泉之出上收雨潦之入每府增置通判一人以江左諸水利者居之督率郡邑專理農事則數年之後皆為沃壤而水旱不足憂矣章下戶部侍郎王承裕覆議從之乃命各撫按官會同二司隨宜舉行

嘉靖六年詔民間田地悉照冊籍當差不許丈量改科各該巡撫督率管屯官查勘衛所屯田勦戚除欽賜莊田外不許奏乞又霍輅請修濬陂塘湖堰按明會典六年詔戶部通行各撫按衙門轉行各司府州縣官民間田地悉照冊籍應當糧差查出姦弊即為究治改正不許一槩丈量改科自立新法生事擾民又詔勦戚之家除欽賜莊田以資養贍外再不許聽信撥置將有主之業朦朧陳乞違者許本部該科參究處治

按明通紀六年詹事霍輅陳數事一請於陂塘湖堰可蓄可洩者皆因地修濬既可與水利以灌田畝亦可分殺河勢不致橫溢疏入詔下所司

按續文獻通考六年詔各該巡撫督率管屯方面等官查勘衛所屯田其官舍軍餘占種年久故軍之田仍與領種代納糧草如軍見存無田者即令退還本軍為業其領種故軍之田一人止許一分一戶止許二分其餘俱令退出

嘉靖七年令各莊田除額外多占給軍民外聽照舊管業戚畹置田不報照功臣例追斷按明會典七年題准查勘過順天等八府各項莊田除額外多占遵奉查給軍民其餘悉聽照舊管業今

後應賞地土隨品級定制凡遠遺莊田別其世之親疎量爲裁革至於戚晚開墾置買不行報官納糧者照功臣律例一體追斷

嘉靖八年令清查勦戚子孫已絕傍枝冒占田土及勦戚受人投獻冒占者一體治罪遣官丈量牧馬草場按鷹地土招民佃種又令勘各宮田土照例徵銀查廢寺田產召人承買

按明會典八年奏准清查部科道等官將各該勦戚田土盡數查出內有世遠秩降果係宗派照舊不動外若世遠本房子孫已絕傍枝影射冒占者於內量存三分之一以爲修墳辦祭之資其餘盡革入官照例徵銀解部以備邊餉其戚晚開墾置買田土欺隱不行報官者比照功臣田土律例一體追斷又令雲南總兵官田土果係先年給賜者將正數莊民計田分戶佃納子粒如有額外侵占民業并投獻等項悉照例退給軍民住種納糧當差一應投充影射莊戶嚴加查究積年極惡照例發遣又議准受獻田土之人與投獻人一體永遠充軍事干勦戚追究管莊佃僕永爲定例又議准甘肅各衛所湖場撫按等官查照節次題准禁革事例通行本鎮鎮總副叅遊守等官如有相承占據者即照馬房迷黑一湖退出還官一體免罪如有仍前霸占抗違者叅奏治罪仍會委各道風力官員將闔鎮草場通查坐落遠近四至頃畝已經給撥者聽便或開墾或採草納糧其餘盡行給撥衛所官軍採草牧放

按大政紀八年二月招佃牧馬按鷹田土戶部尚書梁材上言從田鷹犬既已縱放其保定府安州等

處牧馬草場一百二十頃按鷹地土九十九頃宜遣科道官閱視丈量招民佃種每畝歲徵租銀三分解納大倉從之

按續文獻通考凡各宮田土八年題准查勘過豐潤縣仁壽宮餘地九百一十四頃三十七畝有零泊南泊北梁城所東及水泊餘地共九百八十頃九十畝有零蘆葦地一千三百二十二頃九十三畝有零行

令該縣俱照原擬輕重則例徵銀解部以備邊儲又題准查勘過仁壽清寧未央三宮官地六十二處堪種并蘆葦徵銀不等地計一萬六千一十五頃四十七畝零歲該租銀三萬七千八百三兩五錢九分零內仁壽清寧二宮比原額勘多銀五千三百九十四兩三錢零未央宮比原額勘少銀二千六百二十二兩三錢零各州縣照例徵銀另批解部收候係原額者年終類進係勘多者除補未央宮勘少額數外餘補各宮災免補湊進用又按續通考八年令各撫按官查有荒廢寺觀無僧行住持及遺下田產無人管業者照彼中時價召人承買改名入冊辦納糧差嘉靖十年定勦戚莊田徵糧不完之例按明會典十年題准勦戚莊田議定徵銀解部上地徵銀三分中地二分下地一分五釐如有司不行用心徵解過限三月不完者府州縣管糧官住俸半年不完者府州縣掌印官住俸十月不完者布政司管糧官住俸一年不完者布政司掌印官住俸仍要填註循環文簿依限送部查考

嘉靖十一年令陝西官莊豪強占種者聽自首賣銀還官

按明會典十一年題准陝西地方入官莊基地土如有豪強占種即令自首還官賣銀貯庫認納無主糧差違者從重問擬仍追花利

嘉靖十二年令清邊江濱海草場塗田湖蕩蘆洲田地被豪強奪占者不分新舊入官違者嚴究又興復甘肅屯田

按明會典十二年令各撫按官清查邊江濱海草場塗田灘地山湖蕩蘆洲沙洲并寺觀田地等被官豪大戶奪占不分新舊入官變賣積穀以備賑濟公文到日限一月以裏自首退出敢有執悞在京官員并在外五品以上官指名叅奏其餘徑自處治通行造冊奏繳按大政紀十有二年秋七月興復甘肅屯田兵部奏甘肅一鎮孤懸河外歲發內帑難以支持興復屯政誠爲急務帝從之命舉幹濟都御史一人副使二人專理屯政嘉靖十三年令以肅州衛空地給哈密都督耕種免差清查御馬監等地項又陝西河南屯地爲軍職及莊浪人等買種代種者問罪按明會典十三年令以肅州衛迤北空地一十六頃五十畝給寄住哈密都督毗吉李刺等耕種免其糧差此按字按續文獻通考十三年題准清查過御馬監并壩大等二十馬房草場及馬神廟香火地五十七處共地三萬一千五百五十九頃四十九畝零除雜占地三千一百三十三頃一十六畝零存留牧馬地一千八百八十四頃五十七畝修繕馬營地一百三十頃及

大馬往回住牧鄯縣草場地一十七頃七十二畝免南水占地三十六頃外該戶部徵收子粒者二萬一千七百五十七頃二十四畝零屬御馬監徵銀修理公廩者四百三十頃其餘拋荒蘇薄未經名佃者四千一百七十頃六十九畝零又按續通考十三年題准陝西河南地方如有屯地爲軍職及莊浪人等買種代種者悉照紅牌事例問罪
嘉靖十五年詔水塌田地錢糧准其除豁俟水退後仍召人佃種

按續文獻通考十五年詔各處水塌沙壓等項田地稅糧負累人戶賠納曾經具奏者撫按官查勘明白照例除豁各衛所有釋放軍伍遺下屯糧負累官旗賠納者亦與查勘除豁又題准甘肅鎮體勘過水衝沙壓斷溝及隔在境外甘州前後永昌涼州鎮番莊浪西寧古浪等衛所實屯起科措辦邊儲田地共六百七十九頃六畝一分六釐二毫該糧六千九百五十九石九斗七升四合四勺六抄照例除豁以蘇民困或日後水退堪以耕種仍舊召人陸續佃種以備軍儲

嘉靖十六年敕查八府莊田投獻及冒占者按明會典十六年敕差科道部屬官各一員前去會同巡按查勘八府莊田但自正德以來朦朧投獻及額外侵占者盡行查出各依擬給主召佃管莊人員盡數取回著管屯田僉事兼帶督管該徵稅糧照依原定則例折收銀錢原係皇莊者解部類進係皇親者赴部關領不許自行收受
嘉靖十七年詔各衛所置買民田一體派糧違者入

官

按續文獻通考十七年詔各處衛所官舍餘丁人等置買民田一體坐派糧差不許抗拒違者奪田入官又題准山東青州府樂安縣踏出退灘堪種地三十二頃一畝四分撥人佃種照畝起科辦納稅糧
嘉靖二十年議准各官前項水占荒灘田土改作入官備邊

按續文獻通考凡各官田土嘉靖二十年議准順天等府寶坻豐潤武清靜海興濟五縣水占荒灘勘減仁壽清寧二宮官地銀五千三百四十五兩五錢四分零將通州大興等州縣原入官備邊勘減等項地租銀四千一百二十二兩八錢六分五釐七毫六絲七忽改補及將原勘多餘備補各官災免銀二千七百七十一兩九錢八分七釐一毫九絲五微六纖五渺數內摘補外其餘備補災免銀一千五百四十九兩三錢五釐四毫二絲六忽三微一纖五渺仍存補湊進用各官前項水占荒灘田土改作入官備邊候水退另行召佃徵銀解部

嘉靖二十一年霍韜疏乞考查額田實數按續文獻通考二十一年兩直隸及一十三省田數總計四百三十六萬五千六百六十二頃六十畝九分是年霍韜奉命修大明會典上疏云竊見洪武初年天下田土八百四十九萬六千頃有奇弘治十五年存額四百二十二萬八千頃有奇失額四百二十六萬八千頃有奇是字內額田存者半失者半也賦稅何從出國計何從足初臣等備查天下額數若湖廣額田二百二十萬今存額二十三萬失額一百九十六

萬河南額田一百四十四萬今存額四十一萬失額一百三萬失額極多不知何故致此非撥給於藩府則欺隱於猾民或開文之詆誤也不然何故至此若廣東額田三十二萬今存額七萬失額十六萬又不知何故致此也蓋廣東無藩府撥給疆理如舊非荒穢於寇賊則欺隱於猾民也由洪武迄弘治百四十年耳天下額田已減強半再數百年減失不知又何如也伏望敕行戶部考查洪武初年額田原數查弘治十五年失額田數今日額田實數送館稽纂
嘉靖二十二年令各邊鎮守養廉地收稅以備總督大臣犒賞勢豪侵占者首正
按明會典二十二年令各邊鎮守養廉地土論畝收稅俱貯都司專備總督大臣取用犒賞如有勢豪占種及官府侵欺者許其首正遞年花利並免追究違者從重治罪
嘉靖二十四年令各王府除欽賜地土外凡投獻捏契典賣者俱改正還官
按明會典二十四年題准各王府除欽賜地土不動外其空閒官田并軍民微糧地土敢有私自投獻捏契典賣者許被害之人告發所在官司即與丈量明白改正還官給主投獻之人照例問發
嘉靖二十五年修復河西屯地
按大政紀二十有五年九月修復河西屯地河西屯地以水堙久廢楊博請於朝墾墾畬者勿租故租者十年而租復貸牛器穀種於佃者於是人爭應令因跡龍首渠故道分疏支灌墾田萬餘頃簡壯空田之謹烽燧勤偵候虜不敢輒至塞嘗一入寇諸將士

拒塞上不得入斬首虜四十餘級獲輜重萬計亡何進博右副都御史

嘉靖二十九年令公主國公以下莊田世遠者撥給三分餘七分盡追還官

按明會典二十九年令凡公主國公以下莊田世遠者以十分為率內儘一處撥給三分其餘七分盡數追出還官徵銀解部以補官莊備邊之需若爵級已革除補足官莊額數外餘剩地畝照例徵銀解部濟邊或量留五分給與的親承總人員管業以備護墳香火之用其餘五分還官寺觀太監下自買營造丘隴奏免糧差地不及三頃者容令照舊若至三頃之外量免其養馬均徭差役每畝督辦納子粒三分解部

嘉靖三十年置徐淮墾田大臣

按大政紀三十年夏四月置徐淮墾田大臣 巡按淮揚御史趙錦請設憲臣於淮揚徐兌間招撫流移開墾舊田帝命以都御史往其職守科條戶部詳議以聞

嘉靖三十九年令宣慰土司越境收種田土軍民不得互為投獻

按明會典三十九年令宣慰土司越境收種田土無知軍民互為投獻者撫按官將土司查究軍人目把人等各照例發遣田土價銀入官

嘉靖四十年題准山西屯田坐落直隸地方者令直隸御史管理

按續文獻通考四十年題准山西寧山衛平定所屯田坐落直隸地方行直隸屯田御史管理仍於山西

屯田冊內開除

嘉靖四十三年令河南各王府置買民田者佃戶編立戶籍與軍民一體當差

按明會典四十三年令河南各王府郡王而下但有置買民田者盡數查出附與原賣各里甲項下即以佃戶的名編立戶籍凡正雜差役俱要與平民一體派編先將查過田糧造冊二本一本啓親王一留有司以便稽查民間有願將田地賣與宗室者先將田糧數目報官以憑附冊編差違者以投獻論

穆宗隆慶元年令巡按御史查追勢豪私占宣府牧馬草場屯田團種等地又敕召種遼東屯田如內地屯田之制

按續文獻通考隆慶元年六月兵科給事中張齊言宣府牧馬草場屯田團種等地往以勳臣內官為鎮守總兵各佃種數十頃收租以充公用後雖奉旨革回而占田如故吏莫敢言遂以開愚民投獻之端為奸人遁逃之數請一切清理還官上令巡按御史查追具奏如有勢豪私占者以名聞不得故縱十月御史李叔和言遼東屯田半廢近行營田之法撥軍耕種致行伍空虛且歲收田租止備修邊工費而各軍支給糧餉如故有損無益蓋此法止可行於河西人少之處若河東地方人稠當廣召種之令授田徵稅悉抵歲餉以省內輸簡同壯勇以實行伍仍特赦寺道諸臣董之如內地屯田之制從之

隆慶二年嚴禁王府宗室下投獻田宅及冒占者又立宣大開墾田項之制

按明會典二年令天下有王府去處或有儀賓軍校誘引奸豪投獻田宅及宗室公然借名置買恃強不納差糧者有司驗契查實先將投獻人依律究遣田宅入官另給軍民管種輪租以補各宗祿糧之缺中有宗室執留占候就將民間編納差糧則例儘數抵扣應得祿糧方行補給有司濫受饋遺阿縱不舉者撫按糾劾重治 又題准以後奏請莊田乞欽定數目撥給其年遠動戚行屯田御史查自封爵之日為始傳派五世親服已盡者止留莊田百頃或枝派已絕并爵級已革盡行追奪還官又題准元勳後裔傳派五世者原議百頃之外今再留一百頃如係勳戚相半者再留五十頃

按續文獻通考二年令宣大開墾田已成業每十頃內給將官五十畝以為養廉之資若副參開種不及一百頃守備以下不及一十頃參論戒飭

隆慶四年以寶坻縣沒官田補還景府原賜田額以肅府折祿莊田租充甘涼固原軍餉

按續文獻通考四年二月以寶坻縣仇鸞沒官田六百一頃補還景府原賜田額聽其自行徵糧不為例十月巡按御史劉堯卿言肅府折祿莊田四千四百八十七頃有奇計徵子粒糧銀一萬二千有奇今宗室縉貴既襲肅府之封又支輔國之祿宜即以其折祿莊田租在甘涼固原者收充二鎮軍餉戶部覆奏上從之

隆慶五年二月以籍入陸炳莊田二十二頃八十七畝賜皇親錦衣衛指揮僉事李鉉

按續文獻通考云云

隆慶六年令苑馬寺牧地項畝查照徵銀專備軍餉

經濟彙編食貨典第五十卷田制部

第六八一冊 之四葉

按明會典隆慶六年令陝西苑馬寺牧地實有五萬五千三百一十二頃二十六畝一分零內川地一萬二千一百二十頃零坡地三萬一千九百三頃零山地一萬一千三百七頃零將七苑開闢見在馬一萬六百七十四匹除駒羴一千九百四匹例不給地議每驃馬一匹定給川地一百三十畝兒驃馬一匹各給川地五十畝坡山地五十畝川地不足苑分每項或給坡地一項五十畝或給山地二項抵算共該除一萬二千三百五十一頃一十九畝二分零除外川地五千三百九十二頃零每項議徵銀六錢坡地二萬八千二百八十三頃零每項議徵銀四錢山地九千二百九十四頃零每項議徵銀三錢共徵銀一萬七千三百二十七兩四錢八分零又將節年另議混互不明分爭不已地土照例起科共二千二百五十八頃該銀九百八十三兩一錢六分零俱查照徵收專備軍餉扣抵年例軍餉 又令苑馬寺牧地照依原擬分別川坡山三等定擬徵銀數目立為定額每年收解固原兵備道專備軍餉支用本部將應發該鎮年例銀內扣除

神宗萬曆元年清舊種原占田地撥給土司募兵耕種

按明會典萬曆元年題准廣西清出舊種占據田土除平樂荔浦永安原係民田撥還耕種辦納賦役外其餘俱撥今立土司募兵領種每名給田十畝其大小頭目酌量加添三年後方行起科每畝止徵三升照原分屬縣上納一應差徭悉行蠲免

萬曆六年以上各省田土之數

按明會典六年十三布政司并直隸府州實在田土總計七百一萬三千九百七十六頃二十八畝零

浙江布政司田土共四十六萬六千九百六十九頃八十二畝四分八釐零

江西布政司田土共四十萬一千一百五十一頃二十七畝一分一釐零

湖廣布政司田土共二百二十一萬六千一百九十九頃四十畝一分

福建布政司田土共一十三萬四千二百二十五頃六分七釐零

山東布政司田土共六十一萬七千四百九十八頃九十九畝六分八釐二毫

山西布政司田土共三十六萬八千三百九十九頃二十七畝二分一釐

河南布政司田土共七十四萬一千五百七十九頃五十一畝九分九釐零

陝西布政司田土共二十九萬二千九百一十三頃八十五畝一分零

四川布政司田土共一十三萬四千八百二十七頃六十七畝二分三釐零

廣東布政司田土共二十五萬六千八百六十五頃一十三畝六分六釐

廣西布政司田土共九萬四千二百頃七十四畝八分零

雲南布政司田土共一萬七千九百九十三頃五十八畝八分零

貴州布政司田土除思南石阡銅仁黎平等府貴州

宣慰司清平凱里安撫司額無項畝外貴陽府平伐長官司思州鎮遠都勻等府安順普安等州龍里新添平越三軍民衛共五千一百六十六頃八十六畝三分零

順天府田土計九萬九千五百八十二頃九十九畝九分零

永平府田土計一萬八千三百三十九頃四十六畝五分零

保定府田土計九萬七千九百五十五畝八分零

河間府田土計八萬二千八百七十二頃一十九畝八分零

真定府田土計一十萬二千六百七十五畝六畝零

順德府田土計一萬四千二百四十四畝八分零

廣平府田土計一萬二千三百三十八畝三十八畝五分零

大名府田土計五萬六千一百九十六畝六十畝八分零

延慶州田土計一千五百九十九畝四十二畝四分零

保安州田土計三百四十七畝七分零

應天府田土計六萬九千四百五十五畝一十四畝零

蘇州府田土計九萬二千九百五十九畝五十五畝五分三釐零

松江府田土計四萬二千四百七十七畝三畝三分八釐零

常州府田土計六萬四千二百五十五畝九十五畝一分六釐零

鎮江府田土計三萬三千八百一十七畝一十三畝

八分零

廬州府田土計六萬八千三百八十九頃一十一畝
鳳陽府田土計六萬一千九百九十一頃九十六畝七分
零

淮安府田土計一十三萬八千二百六十六畝
八分零

揚州府田土計六萬一千八百四十九畝七分
徽州府田土計二萬五千四百七十八畝二十七畝
五分零

寧國府田土計三萬三千三百三十七畝四分零
池州府田土計九千八百九十九畝二分零

太平府田土計一萬二千八百七十畝五十三畝三
分零

安慶府田土計二萬一千九百五十三畝八分零
廣德州田土計二萬一千六百七十二畝四十四畝
五分零

徐州府田土計一萬一千六百六十七畝一十六畝四分零
滁州府田土計二千八百九十九畝八十八畝八釐零

和州府田土計六千二百一十五畝七十九畝六分零
按續文獻通考六年閣臣張居正因臺臣疏奏請通
文十三布政司并直隸府州田土限至十年丈完共
總計實在田七百一萬三千九百七十六畝二十八
畝零

萬曆八年令各省差官丈量隱匿者計自首改正免
罪首報不實計告得實者即以其地給賞

按明會典八年題准行令各省撫按委官查將浮糧
州縣逐一沿坵履畝丈量如有歷年詭寄隱漏及開

墾未經報官許令自首改正免罪仍給本主領種納
糧如首報不實查出問罪田產入官有能計告得實
即以其地給賞丈量完日將查出隱匿田地抵補浮
糧

按明通紀八年十一月詔度民田先是高皇帝時天
下土田八百五十萬頃歲久偽滋編戶末民無所得
衣食其勢必易常產令豪民得以爲姦以故田賦之
弊孔百出而其大者曰飛詭曰影射曰養號曰掛虛
曰過都曰受獻久相沿引爲故業於是豪民有田
無糧而窮民特以力薄莫可如何始受其病矣及縣
官責收什一貧民鬻妻子不能輸納則其勢不得不
行攤派蓋自浮糧所在多有而天下盡受其病矣然
民愁無聊亡逃山林轉爲盜賊則其勢不得不請減
額今讀大明會典所載弘治十五年天下土田視高
皇帝時已減二十七萬蓋自所減額日以益多而國
家又受其病矣閣臣張居正欲行清丈以洗其弊時
勞中丞奉詔荒度閩田閩人以爲便居正遂與次輔
張四維申時行大司徒張璠請詔行諸路所在強宗
豪民敢有撓法若潞城饒陽公族等者皆請下明詔
切責以故天下奉行惟謹凡莊田屯田民田職田養
廉田蕩地牧地皆就疆理無有隱奸蓋既不減額亦
不益賦貧民不至獨困豪民不能併兼又民間新所
墾治皆賦其貢稅以新賦均舊額中則國初故額得
以減科民賦幸益以輕而天下吏民皆冀幸有田以
爲世業矣

萬曆九年議准勦戚莊田五服遞減又令有司照例
徵銀解部不許縱容家人占種及私徵

按續文獻通考九年議准勦戚莊田五服遞減勦臣
止於二百頃已無容議惟戚臣如始封本身爲一世
子爲二世孫爲三世會孫爲四世曾孫之子爲五世
以今見在官品爲始以今見留地數爲准係二世者
分爲三次遞減係三世者分爲二次遞減至五世止
留一百頃爲世業如正派已絕爵級已革不論地畝
多寡止留地五頃給旁枝看守墳塋之人 又題准
勦戚莊田有司照例每畝徵銀三分解部驗給如有
縱容家人下鄉占種民地及私自徵收多勒租銀者
聽屯田御史參究

萬曆十年湖廣督撫奏議丈量莊屯等項田地
按續文獻通考十年湖廣督撫奏議一議樂丈莊屯
以杜影射照得均田平賦必求定額而後窮黎包賠
之困庶幾可甦查楚中田地其間有民田屯田有王
府欽賜莊田鵝鴨食田有宗室置買民田有太和山
鵝鴨食田有衛所設在此府而屯田跨於他府者又
有衛所設在此省而屯田跨於他省者大牙交錯疆
界易淆且依山濱水之處亦有開墾者但恐中間或
此多而彼少或彼闕而此狹若非通融稟益則原額
不足而包賠之患猶在也合無將境內田地不分民
屯皇莊鵝鴨食田并宗室置買及軍民莊田開墾等
項各衙門委官會同一體同日丈量其有府分不在
轄內者即約同該道會委官員毋分彼此從公清丈
完日逐一公通查算如民屯田照原額外更有餘
者通勻攤撥係民者則於通縣稅糧內攤撥以寬民
力係軍者照例陞科以足軍食敢有阻撓妄爭應參
奏者聽臣等查察究處應懇問者徑行拏問施行其

各衛所屯田有跨於他省者聽該道約會彼中司道各委官秉公清丈彼此不許庇護致啓爭端如此庶田畝通量而欺隱之弊難掩哀益均當而包賠之困自甦矣

萬曆十二年令昌平州地土除撥給陵莊及勳戚外未爲州民恆產勳戚不得奏請

按明會典十二年題准昌平州地土除撥給陵莊果園及勳戚莊田外其見係民間耕種者未爲州民恆產不許勳戚奏討

欽定古今圖書集成經濟彙編食貨典

第五十一卷目錄

田制部彙考十一

皇清一總一則 國初一則 順治十八則

食貨典第五十一卷

田制部彙考十一

皇清一

戶部田土定制

大清會典戶部田土一凡田土

國初至今多寡不一具載版籍其科則輕重丈量
增除開墾召佃豁免額糧勸農桑災傷蠲賑
著有定例至各旗莊屯撥給田地及草場苑牧
皆有額數備列於後

田土二各旗莊屯凡撥給八旗官員兵丁

盛京田土

國初按旗分處原有定界繼因邊內地瘠糧不足
支展邊開墾移兩黃旗於鐵嶺兩白旗於安平
兩紅旗於石城其兩藍旗所分張義站靖遠堡
地瘠以大城地與之 又令差往蓋州收稅撥
什庫給園地十晌 又定分撥地畝緣邊次第
挨給若不論疆界挑選膏腴狗情派撥者佐領
撥什庫分別罰責 又令錦州蓋州各官莊屯

非奉

欽賜者集令退出

凡撥給八旗官員兵丁織輔田土

鑲黃旗滿洲初次給地一十九萬三千八百六

十晌二次給地四萬二千三百一十五晌三次

給地二萬一千八百八十五晌 蒙古初次給

地二萬九千九百五晌二次給地二萬八千三

百三十五晌三次給地六千八百九十五晌

漢軍初次給地三萬三千三百四十晌二次給

地一萬九千八百五晌三次給地一萬七千五

百五十晌 共壯丁地三十九萬三千八百九

十晌坐落大興宛平良鄉固安永清東安香河

通州三河武清寶坻昌平順義密雲懷柔涿州

房山霸州文安大城保定薊州玉田平谷遵化

豐潤永平遷安昌黎灤州樂亭清苑滿城安肅

定興新城唐縣容城完縣蠡縣雄縣安州高陽

新安易州涿水河間肅寧任丘交河青縣南皮

獲鹿永寧衛長牧署采育里開平沙河驛赤城

宣府德州古北口冷口張家口喜峰口羅文嶼

獨石口石匣等處

正黃旗滿洲初次給地七萬三千四百四十晌

二次給地一十五萬二千九百一十五晌三次

給地三萬一千二百三十晌 蒙古初次給地

一萬二千六百一十五晌二次給地一萬八千

七百八十五晌三次給地三萬一千四百一十

晌 漢軍初次給地二萬一千二百三十七晌

三畝二次給地三萬一千三百一十二晌三畝

三次給地一萬九千四百五十二晌三畝 共

壯丁地三十九萬二千二百九十六晌九畝坐

落大興宛平良鄉固安永清東安香河通州三

河武清寶坻昌平順義密雲懷柔涿州房山霸

州文安保定薊州玉田平谷遵化豐潤盧龍遷

安灤州樂亭清苑滿城安肅定興新城唐縣慶

都容城完縣蠡縣雄縣安州高陽新安易州涿

水河間肅寧任丘交河青縣滄州南皮獲鹿開

平赤城宣府古北口冷口張家口獨石口石匣

等處

正白旗滿洲初次給地九萬五千四百五十五

晌二次給地五萬五千四百四十五晌三次給

地七萬二千二百三十五晌 蒙古初次給地

二萬一千五百六十二晌半二次給地二萬七

百九十二晌半三次給地一萬八千二百四十

三晌 漢軍初次給地一萬四千四百六十晌

二次給地二萬四千四百二十晌三次給地二

萬三千九百九十五晌 共壯丁地三十四萬

六千六百八十八晌坐落大興宛平良鄉固安永清

東安香河通州三河武清寶坻昌平順義密雲

懷柔涿州房山霸州文安保定薊州玉田平谷

遵化豐潤永平遷安撫寧昌黎灤州樂亭安肅

定興新城容城完縣蠡縣雄縣安州高陽易州涿水

河間肅寧任丘交河青縣滄州南皮宣府羅文

嶼張家口獨石口古北口等處

正紅旗滿洲初次給地三萬五千四百九十八

晌二次給地八萬八千五百一十四晌零三畝

給地三萬五千三百四十五晌 蒙古初次給地三千九百二十八晌零二次給地一萬二千七百六十晌三次給地九千二百五十五晌漢軍初次給地四千六百三十五晌二次給地一萬六千八百八十晌三次給地六千一百七十晌共壯丁地二十萬六千七百八十五晌零坐落宛平良鄉固安永清東安通州武清寶坻昌平順義密雲房山霸州文安保定涿州樂亭清苑安肅定興蠡縣雄縣任丘河西務等處

鑲白旗滿洲初次給地一十萬四千四百七十五晌二次給地四萬四千五百七十晌三次給地三萬八千一百七十晌 蒙古初次給地一萬六千九百五十五晌二次給地一萬四千三百六十五晌三次給地一萬五千九百三十五晌漢軍初次給地一萬一百五十晌二次給地五千五百十五晌三次給地七千七百八十晌 共壯丁地二十五萬七千四百五十五晌坐落大興宛平良鄉固安永清東安香河通州三河武清寶坻昌平順義密雲懷柔涿州房山霸州文安大城保定薊州玉田平谷遵化豐潤永平遷安灤州樂亭滿城安肅定興新城容城雄縣新安易州涿水河間肅寧任丘交河青縣靜海滄州南皮延慶張家口喜峰口冷口羅文嶼開平赤城沙河驛良牧署等處

鑲紅旗滿洲初次給地一萬八千三百四十五晌二次給地九萬六千四百五十二晌半三次給地四萬三千五百三十七晌半 蒙古初次

給地五百九十晌二次給地二萬二千四百二十五晌三次給地一萬七百二十晌 漢軍初次給地五千一百三十晌二次給地一萬五千三百三十三晌三次給地九千八百九十五晌 共壯丁地二十一萬七千五百九十五晌坐落宛平良鄉固安永清東安香河通州三河武清寶坻昌平順義涿州房山霸州大城保定豐潤永平遷安灤州樂亭清苑安肅定興新城唐縣慶都完縣蠡縣雄縣涿水河間肅寧任丘滄州延慶河西務天津等處

正藍旗滿洲初次給地一十萬二千三百一十二晌半二次給地六萬六千五百四十五晌三次給地三萬七千九百九十晌 蒙古初次給地二萬五千五百五十五晌二次給地一萬二千六十五晌三次給地一萬一千八百六十晌 漢軍初次給地一萬四千七百三十二晌半二次給地一萬二千二百一十五晌三次給地六千八百四十晌 共壯丁地二十八萬五千六百一十晌坐落大興宛平良鄉固安永清東安香河通州三河武清寶坻昌平順義密雲懷柔涿州房山霸州保定薊州玉田平谷遵化豐潤遷安昌黎灤州清苑滿城安肅定興唐縣容城雄縣高陽新安易州任丘青縣南皮良牧署延慶等處

鑲藍旗滿洲初次給地一十萬八千三百八十晌二次給地三萬九千一百一十五晌三次給地二萬四千三百四十晌 蒙古初次給地二萬五千八百五十五晌二次給地四十一萬三千三十三晌三次給地四萬三千五百三十七晌半

地五千三百七十晌 漢軍初次給地一萬二千六百四十五晌二次給地八千六十晌三次給地七千五百六十晌 共壯丁地二十三萬五千一百八十八晌坐落大興宛平永清東安香河三河武清昌平密雲涿州房山盧龍樂亭定興蠡縣安州高陽易州涿水河間任丘獲鹿河西務獨石口張家口等處

田土三免科田地凡在京壇廟等處俱係公占地畝例不納糧其直省社稷山川厲壇文廟祠墓及寺觀祭田除納糧地畝不載外其公占給賜無糧地畝詳列於後
直隸一十九頃二十四畝一分九釐一毫零
盛京一項四十一畝九分三釐五毫零
江蘇等處一百八十八畝八十四畝一分二釐五毫零又一千五百七丈
安徽等處一十五頃一十三畝一分二釐五毫零

浙江七十六頃五十四畝九分六釐九毫零
江西一十四頃三十一畝六分一毫零又積步四千三百一十四步
福建五百一十頃五十五畝一分九釐一毫零
山東九十八頃九十六畝四分五釐七毫零
山西三十八頃六十七畝二分四釐五毫零
河南一百一十七畝四分九釐八毫零
陝西一十六頃二十三畝八分三釐五毫零
四川一十五頃一十九畝九分一釐一毫

凡給賜聖賢後裔無糧地祇衍聖公祭田二千一百五十七頃五十畝林地一十八頃二十七畝廟宅基三頃二十七畝五分佃戶五百戶瀝滄戶一百一十五戶四氏學學田五十頃復聖裔祭田五十頃墓田地三頃三十三畝一分廟宅基九十二畝五分佃戶十戶門子四戶廟戶七戶瀝滄戶二十五戶宗聖裔祭田五十一頃六十畝墓田地一十頃一十五畝七分廟宅基三十九畝一分廟戶三十七戶亞聖裔祭田五十一頃一十五畝墓田地七頃三十一畝四分廟宅基一頃三十畝七分五釐佃戶三十二戶廟戶二十五戶門子五戶先賢仲子裔祭田六十五頃三十八畝墳地九頃五十畝廟宅基六十八畝護丁四十六戶

牧廠草場鑲黃旗牧馬廠地坐落武清寶坻東自唐哇西至陳林莊七十里南自張家莊北至上馬臺九十里

正黃旗牧馬廠地坐落天津衛西北自俞家莊東北至小稍子口三十五里西南自孫家莊東南至秋家莊四十七里

正白旗牧馬廠地坐落天津衛東自好字沽西至白家莊四十二里南自城兒上北至清溝六十五里

正紅旗牧馬廠地坐落薊山二百五十响蘆溝橋西高陵四百六十六响

鑲白旗牧馬廠地坐落通州四百一十四响

鑲紅旗牧馬廠地坐落順義縣天主馬房村五

百八十八响蘆溝橋西八十响

正藍旗牧馬廠地坐落豐臺王蘭等莊東西三十里南北五十里

鑲藍旗牧馬廠地坐落草橋十里廊房八里

國初定制

大清會典戶部田土一開墾

國朝墾荒之令屢經申飭助以牛種寬其徵輸或懸賞以勵招徠或給投誠以資贍養或遣部員以課耕穫區畫周詳務俾野無曠土

國初令每佐領撥壯丁十名牛四頭於曠土屯田積貯倉廩設官員筆帖式會計出入

田土二各旗屯莊凡撥給宗室勳戚莊田

國初令諸王貝勒貝子公等准於錦州各設莊一所蓋州各設莊一所其額外各莊俱令退出

凡撥給外藩田土

國初定蒙古分爲五等一等給莊屯三所園地十五响二等給莊屯二所園地十响三等以下止給莊屯不給園地

順治元年

大清會典戶部田土一開墾順治元年議准州縣衛所荒地無主者分給流民及官兵屯種有主者官給牛種三年起科

田土二各旗莊屯凡撥給官員兵丁輓輔田土

順治元年令民間無主田房撥給八旗壯丁

又題准圍撥地祇按州縣大小定圍地多寡滿洲自聚一方阡陌室廬耕作收放互相友助令旗民各安疆理查出無主地與有主者對換以

期均便

田土三學田順治元年定直省各學食生聽地方官覈實申文該提學於所在學田內動支銀米酌給

順治二年

大清會典戶部田土一開墾順治二年題准新墾荒地免租稅一年 又覆准河南拋荒地祇令鎮協官兵開墾查係向來熟糧令一年後供賦

田土二各旗莊屯凡撥給宗室勳戚莊田順治

二年題准給諸王貝勒貝子公等大莊每所地一百三十响或一百二十响至七十响不等半

莊每所地六十五响或六十响至四十响不等

園每所地三十响或二十五响至十响不等

凡撥給八旗官員兵丁輓輔田土順治二年題准分給園地

內府總管八响親王包衣大六响郡王以下包衣

大五响各府執事人員俱給地有差 又題准

王以下各官所屬壯丁計口給地六响停支口糧 又題准民間墳墓有在滿洲地內者許其

子孫隨時祭掃 又定清理田土事宜令地方官秉公矢慎不許借端滋擾其應給滿洲及應

留民間地祇早行曉示毋妨東作

牧廠草場順治二年題准

御馬館王貝勒貝子等馬館俱按各該旗地方牧養

又題准天師庵草場設馬法筆帖式及書役

甲兵巡守 又題准近畿廢地俱令撥給壯丁

墾種如撥給有餘方准爲牧馬廠

田土三衛所屯田凡設官管屯順治二年差御史一員巡視屯田

順治三年

大清會典戶部田土二各旗莊屯凡撥給宗室勳戚莊田順治三年題准

京域內外無主園地酌量撥給諸王府

凡撥給八旗官員兵丁畿輔田土順治三年題准副都統以上官員各撥給園地三十晌并二名莊丁地

又題准直隸州縣被圈之民以各州縣連界地畝撥補其不願往撥補處者以未被圈之民房地均分居住耕種

田土三衛所屯田凡設官管屯順治三年題准裁衛所指揮千百戶每衛設守備一員掌印兼管屯田量設千總百總分理衛事凡衛所錢糧職掌及漕運造船事務并都司行都司分轄皆令照舊

凡屯丁順治三年題准改衛軍為屯丁

順治四年

大清會典戶部田土二各旗莊屯凡撥給八旗官員兵丁畿輔田土順治四年題准參領以下官員各給二名莊丁地

又題准撥給甲兵地畝有告稱不能耕種者不准

又題准圈撥地內有集場仍留給民以資貿易

又定嗣後民間田屋未停圈撥

又定撥給地畝以見在為準嗣後雖增丁不添給減丁不退出各官雖陞遷不添給亡故降革不退出

凡撥給駐防直省官員兵丁田土順治四年題

順治五年

准江寧駐防旗員給園地三十晌至十晌不等西安駐防旗員給園地四十晌三十五晌不等

又題准浙江駐防官兵不給田其俸餉照經制支領

牧廠草場順治四年覆准江寧舊有十二馬羣場地見今民墾熟田毋得棄業

田土三衛所屯田凡設官管屯順治四年裁屯田御史屯衛事宜各該巡按領

順治六年

大清會典戶部田土二各旗莊屯凡撥給宗室勳戚莊田順治五年題准親王給園十所郡王給園七所每所地三十晌

凡撥給八旗官員兵丁

盛京田土順治五年題准沙河以外錦州以內八旗官員家丁每名撥給地六晌承種

又題准官員莊屯兩黃旗設於沙河所兩白旗設於寧遠兩紅旗設於塔山兩藍旗設於錦州

中後所三處地畝令八旗均分為馬場自東迤西先給兩黃旗次兩白旗次兩紅旗次兩藍旗

田土三衛所屯田凡屯田額賦順治五年覆准雲鎮屯田荒蕪官買牛驢分給軍民墾種應納租糧酌量徵收

順治六年

大清會典戶部田土一開墾順治六年定地方官廣加招徠各處逃民不論原籍別籍編入保甲開墾無主荒田給以印信執照永准為業六年後有司親察成熟畝數撫按勘實奏請徵糧不得預徵私派州縣以勸墾之多寡為優劣道府以督催之勤惰為殿最每歲終載入考成

田土二各旗莊屯凡撥給宗室勳戚莊田順治六年題准襲封王貝勒貝子公等伊祖父所遺園地除撥給應得之數外其餘地畝不必撤出仍留本家

又題准凡加封王貝勒貝子公等各照本爵撥給園地

凡撥給八旗官員兵丁畿輔田土順治六年題准撥給官員園地公侯伯精奇尼哈番各三十晌阿思哈尼哈番各二十晌阿達哈哈番各十五晌拜他喇布勒哈番各十晌雖陞至超品公亦不得踰三十晌

又題准凡官員致仕者督撫布按總兵各給園地六晌道員副將參將各給園地四晌府州縣遊守等官各給園地三晌

又題准改撥官員園地公侯伯各五十晌精奇尼哈番各四十晌阿思哈尼哈番各三十晌都統尚書阿達哈番各二十晌副都統侍郎

拜他喇布勒哈番各十晌一等侍衛護衛參領各七晌二等侍衛護衛各五晌三等侍衛護衛拖沙喇哈番各四晌 又題准新來壯丁每名給地五晌

凡撥給駐防直省官員兵丁田土順治六年題准外省駐防官員初任其地未經撥給園地者准令撥給其加級陞任者不復添給凡應給地十晌以下者戶部撥給十晌以上奏請撥給牧廠草場順治六年題准順義清河鄆縣沙河盧溝橋五處荒地二萬四千四百七十四晌通州沙河清河盧溝橋兩岸各長五里闊三里俱令丈作馬廠 又令嗣後棄地爲馬廠未行停止如沙地不堪耕種者仍留牧馬

田土三衛所屯田凡屯田額賦順治六年題准直隸天津葛沽等處屯地舊例三則輪租上地每畝六升中地四升五合下地三升今定果樹菜畦水田草地每畝科租一斗麥地六升雜糧地四升五合

順治七年

大清會典戶部田土一開墾凡課墾勸懲順治七年覆准河南州縣官墾地一百頃以上者紀錄一次若州縣與道府所屬全無開墾者各罰俸三箇月

田土二各旗莊屯凡撥給宗室勳戚莊田順治七年題准給公主園地各六十晌郡主園地各三十晌縣主郡君縣君園地各二十五晌 又題准撥給親王園八所郡王園五所貝勒園四

所貝子園三所公園二所每所地三十晌嗣後凡初封王貝勒貝子公等俱照此例撥給鎮國將軍園地四十晌輔國將軍園地三十晌奉國將軍園地二十晌奉恩將軍園地一十晌凡給過園地者停給家口糧米

凡撥給八旗官員兵丁畿輔田土順治七年題准八旗舊壯丁每名撤出地一晌撥給新壯丁凡撥給駐防直省官員兵丁田土順治七年題准駐防官員量給園地甲兵壯丁每名給地五晌臨清太原以無主地並官地撥給保定河間滄州以八旗退出地撥給

田土三衛所屯田凡屯田額賦順治七年題准衛所屯田分給軍丁承種因有操演城守捕盜領運之責故屯田科徵較民地稍輕今既經裁汰凡有運糧衛所屯糧仍舊派徵其無運糧衛所屯田俱照坐落州縣民田例一體起科學田順治七年題准江寧國子監改爲府學歲徵田房租銀錢稻穀留爲寒士餬口之需其春秋祭祀准於租銀內動支

順治八年

大清會典戶部田土一開墾順治八年覆准山海關外荒地甚多有願出關墾地者令山海道造冊報部分地居住

順治九年

大清會典戶部田土一開墾順治九年題准八旗壯丁退出响地并首告清出地及各省駐防遺下地照墾荒例招墾三年起科

田土三衛所屯田凡歸併屯衛順治九年覆准運軍已經改民其軍衛田地照民地例輪納各按坐落地方使有歸著以杜漏消

凡屯田額賦順治九年覆准廣東屯糧全徵本色屯丁苦累令本折各半徵收

凡屯丁順治九年覆准各省屯丁有關漕務者仍留駕運 又覆准陝西涼州戍軍改編屯丁除免軍令各承種屯地照舊徵輸 又覆准江南輪運清糧開報殷實運丁不論官舍書承一體免運

順治十年

大清會典戶部田土一丈量順治十年覆准直省州縣魚鱗老冊原載有地畝坵段坐落田形四至等項有不清者印官親自丈之

開墾順治十年議准各省屯本皆取贓罰及空缺廩俸裁扣工食銀兩不得輕那司庫餉銀 又覆准四川荒地官給牛種聽兵民開墾酌量補還價值 又議准陝西荒地令酌調步兵給發牛具籽種開墾屯田

凡課墾勸懲順治十年覆准直省設開屯道廳等官專管與屯事宜督墾荒田

凡招民墾荒議叙順治十年議准遼東招民開墾有能招至一百名者文授知縣武授守備百名以下六十名以上者文授州同州判武授千總五十名以上者文授縣丞主簿武授百總招民數多者每百名加一級先將姓名數目開報戶部領出山海關交與遼東府縣驗收給印文

赴吏兵二部選職 又議准遼東招民照直省
墾荒例每名口給月糧一斗秋成補還每地一
畝給種六升每百名給牛二十隻

田土二各旗莊屯凡撥給八旗官員兵丁畿輔
田土順治十年題准直屬民間房地有被圈一
半者不必撥補全圈者以未被圈之房地均攤

補給本州縣房地或不足以鄰近州縣存剩房
地酌量撥給 又題准嗣後圈占民間房地永
行停止

田土三衛所屯田凡屯田額賦順治十年覆准
江南秣陵廣武英武三衛路隔長江輸糧艱難
照鳳陽衛例折銀徵解

凡設官管屯順治十年題准巡按既裁各省屯
政令該巡撫督理年終造冊奏銷 又覆准江
西屯糧歸布政司管理

順治十一年
大清會典戶部田土一丈量順治十一年覆准凡丈
量州縣地用步弓各旗莊屯地用繩如有民地

缺額督撫詳查開除
田土二牧廠草場順治十一年題准給親王牧
廠方八里郡王牧廠方四里

順治十二年
大清會典戶部田土一丈量順治十二年令部鑄步
尺分頒直省使丈量時悉依新制 又覆准州

縣錢糧與原額相符者勿再紛更其缺額地方
於農隙時州縣官親率里甲丈量上官以次受
成不得差委滋擾

開墾順治十二年題准各邊口內曠土聽兵墾
種不得往墾口外牧地 又議准直省與屯官
助牛種者所收籽粒三分取一民自備牛種者
本年十分取一二年三年三分取一三年後永
准爲業 又議准令犯徒罪者發遣屯田酌定
年分開荒田多寡墾完釋放其願留者永爲己
業

凡課墾勸懲順治十二年覆准裁革開屯道廳
以民屯屬州縣兵屯屬衛所屯道職任專責守
道屯廳職任歸各府廳

凡招民墾荒議叙順治十二年議准遼東招民
百名者考試身言書判分爲三等除授知縣如
不能通曉文義咨送兵部除授武職

田土二各旗莊屯凡撥給八旗官員兵丁
盛京田土順治十二年題准遼陽鐵嶺至山海關
另設邊界八旗莊地多有在邊外者相沿已久
不必遷移令照舊住種惟酌量邊界開門勿悞
耕種

牧廠草場順治十二年覆准親王牧廠方二里
郡王牧廠方一里額外多占者查出撥給新莊
丁

田土三衛所屯田凡屯丁順治十二年覆准軍
民籍貫原有分別有屯丁竄入民籍希圖免運
者有運升賣富差貧者有軍民相鄰運并借勾
攝以滋擾者令督撫委廉明道員分別軍民應
除應補五年一次編定冊籍俾伍籍充盈不致
軍民相混

順治十三年
大清會典戶部田土一丈量順治十三年
諭州縣有地無糧有糧無地者逐一清丈

開墾順治十三年覆准河南山東自興屯以來
屯租數倍民糧徵輸甚苦令照民地例徵糧
又覆准山東無主荒地每五里設一官莊借給
屯本三年償還後照熟地例起科 又覆准舊
例各省荒地三年後起科興屯田地次年即收
籽粒今既歸州縣則屯地即屬民地課額租賦
照民地例起科 又覆准州縣招人開墾勢必
給發牛種以資耕作今於原復屯息米豆草束
內動支其地方去原貯本色稍遠者量動屯本
銀兩給發次年繳還一半三年照數全納

凡課墾勸懲順治十三年議准管屯道廳三年
內開墾日增糧草充積者准加二級州縣衛所
官墾荒地一百項以上者紀錄一次

田土三衛所屯田凡屯田額賦順治十三年覆
准屯衛錢糧考成則例與州縣正項錢糧一體
參罰

凡設官管屯順治十三年覆准廣西衛所久廢
責令坐落州縣招墾荒屯責成道府廳官分理
布政司總核 又議准江南山東山西河南陝
西等省各衛屯糧歸布政司總理

凡屯丁順治十三年覆准漕船按丁納銀貼造
除現運屯丁免科外凡在衛開丁舍餘以十六
歲爲成丁六十歲開除另補江南屯丁每正糧
一石納銀三分開丁編爲三則納銀浙江每丁